


Liturg.

951.



Litung. 951.

OFFICIUM DEFUNCTO- RUM.

Sancta & salubris est
cogitatio pro Defun-
ctis exorare, ut à pec-
catis solvantur. l. 2.
Mach. c. 12.



AUGUSTÆ,
Sumptibus Josephi Benedicti Antonii
Bencard. Anno 1738.

OFFICIAL

DEPARTMENT

RECORDS

FOR THE YEAR

1911

OF THE

STATE OF

NEW YORK

IN

THE

OFFICE OF

THE

SECRETARY

Bayerische
Staatsbibliothek
München



AD MATUTINUM.

INVITATORIUM.

Regem, cui omnia vivunt, Venite
adoremus.

Et repetitur.

Regem cui omnia vivunt, Venite
adoremus.

Psalms. 94.

Venite, exultemus Domino, jubile-
us DEO salutari nostro: præoc-
cupemus faciem ejus in confessione, &
in Psalmis jubilemus ei.

Regem, cui omnia vivunt, Venite
adoremus.

Quoniam DEus magnus Dominus, &
Rex magnus super omnes Deos: quo-
niam non repellet Dominus plebem su-
am, quia in manu ejus sunt omnes fines

terræ, & alitudines montium ipse conspicit.

Venite Adoremus.

Quoniam ipsius est mare, & ipse fecit illud, & aridam fundaverunt manus eius: venite adoremus, & procidamus ante DEum: ploremus coram Domino, qui fecit nos, quia ipse est Dominus DEUS noster: nos autem populus ejus, & oves pascuæ ejus.

Regem, cui omnia vivunt, Venite adoremus.

Hodie si vocem ejus audieritis, nolite obdurare corda vestra, sicut in exacerbatione secundum diem tentationis in deserto: ubi tentaverunt me patres vestri, probaverunt, & viderunt opera mea.

Venite adoremus.

Quadraginta annis proximus fui generationi huic, & dixi, semper hi errant corde: ipsi verò non cognoverunt vias meas, quibus juravi in ira mea, si introibunt in requiem meam.

Regem, cui omnia vivunt, Venite adoremus.

Re-

Requiem æternam dona eis Domine,
& lux perpetua luceat eis.

Venite adoremus.

Regem, cui omnia vivunt,

Venite adoremus.

IN I. NOCTURNO.

Antiphon.

Dirige Domine DEus meus, in con-
spectu tuo viam meam.

Psalms. 5.

Verba mea auribus percipe Domine:
intellige clamorem meum.

Intende voci orationis meæ: Rex me-
us, & DEus meus.

Quoniam ad te orabo: Domine, manè
exaudies vocem meam.

Manè adstabo tibi & videbo: quo-
niam non DEus volens iniquitatem tu es.

Neque habitabit juxta te malignus:
neque permanebunt iniusti ante oculos
tuos.

Odisti omnes, qui operantur iniquita-
tem: perdes omnes, qui loquuntur men-
dacium.

Virum sanguinum & dolosum abominabitur Dominus: ego autem in multitudine misericordiæ tuæ.

Introibo in domum tuam: adorabo ad templum sanctum tuum in timore tuo.

Domine deduc me in iustitia tua: propter inimicos meos dirige in conspectu tuo viam meam.

Quoniam non est in ore eorum veritas: cor eorum vanum est.

Sepulchrum patens est guttur eorum, linguis suis dolose agebant: judica illos DEUS.

Decidant à cogitationibus suis, secundum multitudinem impietatum eorum expelle eos: quoniam irritaverunt te Domine.

Et lætentur omnes qui sperant in te: in æternum exultabunt, & habitabis in eis.

Et gloriabuntur in te omnes, qui diligunt nomen tuum: quoniam tu benedices iusto.

Domine, ut scuto bonæ voluntatis tuæ coronâstinos.

Re-

Requiem æternam.

Antiphon.

Dirige Domine DEus meus, in conspectu tuo viam meam.

Antiphon. Convertere Domine, & eripe animam meam : quoniam non est in morte qui memor sit tui.

Psalms 6.

Domine, ne in furore tuo arguas me : neque in ira tua corripas me.

Miserere mei Domine, quoniam infirmus sum : sans me Domine, quoniam conturbata sunt ossa mea.

Et anima mea turbata est valde : sed tu Domine ulquequò ?

Convertere Domine, & eripe animam meam : saluum me fac propter misericordiam tuam.

Quoniam non est in morte, qui memor sit tui : in inferno autem quis confitebitur tibi ?

Laboravi in gemitu meo, lavabo per singulas noctes lectum meum : lacrymis meis stratum meum rigabo.

Turbatus est, à furore oculus meus:
inveteravi inter omnes inimicos meos.

Discedite à me omnes, qui operamini
iniquitatem: quoniam exaudivit Domi-
nus vocem fletûs mei.

Exaudivit Dominus deprecationem
meam: Dominus orationem meam sus-
cepit.

Erubescant & conturbentur vehe-
menter omnes inimici mei: convertan-
tur, & erubescant valde velociter.

Requiem æternam.

Antiphon.

Convertere Domine, & eripe animam
meam: quoniam non est in morte, qui
memor sit tui.

Antiphon.

Ne quando rapiat ut leo animam me-
am, dum non est qui redimat, neque qui
salvum faciat.

Psalms 7.

Domine DEus meus in te speravi:
salvum me fac ex omnibus perse-
quentibus me, & libera me.

Ne

Ne quando rapiat ut leo animam meam : dum non est qui redimat , neque qui saluum faciat.

Domine DEus meus, si feci istud, si est iniquitas in manibus meis.

Si reddidi retribuentibus mihi mala : decidam meritò ab inimicis meis inanis.

Persequatur inimicus animam meam, & comprehendat, & conculcet in terra vitam meam : & gloriam meam in pulverem deducat.

Exurge Domine in ira tua : & exaltare in finibus inimicorum eorum.

Exurge Domine DEus meus in præcepto ; quod mandâsti : & synagoga populorum circumdabit te.

Et propter hanc in altum regredere : Dominus judicat populos.

Judica me Domine secundum justitiam meam : & secundum innocentiam meam super me.

Consumetur nequitia peccatorum, & diriges justum : scrutans corda & renes DEus.

Justum adjutorium meum à Domino:
qui salvos facit rectos corde.

DEus judex justus, fortis, & patiens:
nunquid irascitur per singulos dies.

Nisi conversi fueritis, gladium suum
vibrabit: arcum suum tetendit, & para-
vit illum.

Et in eo paravit vasa mortis: sagittas
suas ardentibus effecit.

Ecce parturit injustitiam: concepit
dolorem, & peperit iniquitatem.

Lacum aperuit, & effodit eum: & in-
cidit in foveam quam fecit.

Convertetur dolor ejus in caput ejus:
& in verticem ipsius iniquitas ejus des-
cendet.

Confitebor Domino secundum justi-
tiam ejus, & psallam nomini Domini al-
tissimi.

Requiem æternam.

Antiphon.

Nequando rapiat ut leo animam me-
am dum non est qui redimat, neque qui
salvum faciat.

ψ. A

II

II

II

II

II

ψ. A porta inferi.

℞. Erue Domine animas eorum.

Pater noster. *Totum secretò.*

Lectio Prima. Job. 7.

PArce mihi Domine: nihil enim sunt dies mei. Quid est homo, quia magnificas eum? aut quid apponis erga eum cor tuum? Visitas eum diluculò, & subito probas illum. Usquequo non parcis mihi, nec dimittis me, ut glutiam salivam meam? Peccavi: quid faciam tibi, ò custos hominum? Quare posuisti me contrarium tibi, & factus sum mihi met ipsi gravis? Cur non tollis peccatum meum? & quare non aufers iniquitatem meam? Ecce nunc in pulvere dormiam: & si manè me quæsieris, non subsistam.

℞. Credo, quòd Redemptor meus vivit, & in novissimo die de terra surrecturus sum: & in carne mea videbo DEum Salvatorem meum.

ψ. Quem visurus sum ego ipse, & non alius, & oculi mei conspecturi sunt.

℞. Et in carne mea videbo Deum Salvatorem meum.

Lectio:

Lectio Secunda. Job. 10.

Tædet animam meam vitæ meæ: dimittam adversum me eloquium meum. Loquar in amaritudine animæ meæ, dicam Deo: Noli me condemnare. Indica mihi, cur me ita judices? Numquid bonum tibi videtur, si calumniaris me, & opprimas me opus manum tuarum, & consilium impiorum adjuves? Nunquid oculi carnei tibi sunt, aut, sicut videt homo, & tu videbis? Nunquid sicut dies hominis, dies tui; & anni tui sicut humana sunt tempora, ut quæras iniquitatem meam, & peccatum meum scruteris? Et scias, quia nihil impium fecerim, cum sit nemo, qui de manu tua possit eruere.

R. Qui Lazarum resuscitasti à monumento foetidum: Tu eis Domine dona requiem & locum indulgentiæ.

ψ. Qui venturus es judicare vivos, & mortuos, & sæculum per ignem.

R. Tu eis Domine dona requiem, & locum indulgentiæ.

Lectio

Lectio Tertia. Job. 10.

Manus tuæ fecerunt me, & plasma-
verunt me totum in circuitu; & sic
repente præcipitas me? Memento, quæ-
so, quod sicut lutum feceris me; & in
pulverem reduces me. Nonne sicut lac
mulsisti me, & sicut caséum me coagulâ-
sti? Pelle & carnibus vestisti me, ossibus
& nervis compegisti me. Vitam & mi-
sericordiam tribuisti mihi, & visitatio tua
custodivit spiritum meum.

R. Domine quando veneris judicare
terram, ubi me abscondam à vultu iræ
tuæ? quia peccavi nimis in vita mea.

ψ. Commissa mea paveſco, & ante te
erubescō: dum veneris judicare, noli me
condemnare.

R. Quia peccavi nimis in vita mea.

ψ. Requiem æternam dona eis Domi-
ne, & lux perpetua luceat eis.

R. Quia peccavi nimis in vita mea,
IN II. NOCTURNO.

Antiphon.

In loco pascuæ ibi me collocavit.

Psal-

Psalmus 22.

Dominus regit me, & nihil mihi deerit: in loco pascuæ ibi me collocavit.

Super aquam refectiōnis educavit me: animam meam convertit.

Deduxit me super semitas iustitiæ: propter nomen suum.

Nam & si ambulavero in medio umbræ mortis, non timebo mala: quoniam tu mecum es.

Virga tua, & baculus tuus ipsa me consolata sunt.

Parasti in conspectu meo mensam: adversus eos, qui tribulant me.

Impinguasti in oleo caput meum: & calix meus inebrians quàm præclarus est.

Et misericordia tua subsequetur me: omnibus diebus vitæ meæ.

Et ut inhabitem in domo Domini: in longitudinem dierum.

Requiem æternam.

Antiphon.

In loco pascuæ ibi me collocavit.

Anti-

Antiphon.

Delicta juventutis meæ, & ignorantias meas ne memineris Domine.

Psalms 24.

AD te Domine levavi animam meam : DEus meus in te confido, non erubescam.

Neque irrideant me inimici mei : etenim universi, qui sustinent te, non confundentur.

Confundantur omnes iniqua agentes : supervacue.

Vias tuas Domine demonstra mihi ; & semitas tuas edoce me.

Dirige me in veritate tua, & doce me : quia tu es DEus Salvator meus, & te sustinui tota die.

Reminiscere miserationum tuarum, Domine : & misericordiarum tuarum, quæ à sæculo sunt.

Delicta juventutis meæ : & ignorantias meas ne memineris.

Secundum misericordiam tuam memento mei tu : propter bonitatem tuam Domine.

Dul.

Dulcis & rectus Dominus: propter hoc legem dabit delinquentibus in via.

Diriget mansuetos in iudicio: docebit mites vias suas.

Universæ viæ Domini misericordia & veritas: requirentibus testamentum ejus, & testimonia ejus.

Propter nomen tuum Domine propitiaberis peccato meo: multum est enim.

Quis est homo, qui timet Dominum? legem statuit ei in via, quam elegit.

Anima ejus in bonis demorabitur: & semen ejus hæreditabit terram.

Firmamentum est Dominus timentibus eum: & testamentum ipsius, ut manifestetur illis.

Oculi mei semper ad Dominum: quoniam ipse evellet de laqueo pedes meos,

Respice in me, & miserere mei: quia unicus & pauper sum ego.

Tribulationes cordis mei multiplicatæ sunt: de necessitatibus meis erue me.

Vide humilitatem meam & laborem meum: & dimitte universa delicta mea.

Respi-

Respice inimicos meos quoniam multiplicati sunt: & odio iniquo oderunt me.

Custodi animam meam, & erue me: non erubescam, quoniam speravi in te.

Innocentes, & recti adhæserunt mihi: quia sustinui te.

Libera DEus Israël: ex omnibus tribulationibus suis.

Requiem æternam.

Antiphon.

Delicta juventutis meæ: & ignorantias meas ne memineris Domine.

Antiphon.

Credo videre bona Domini in terra viventium.

Psalms 26.

Dominus illuminatio mea, & salus mea: quem timebo?

Dominus protector vitæ meæ: à quo trepidabo?

Dum appropiant super me nocentes: ut edant carnes meas.

Qui tribulant me inimici mei: ipsi infirmati sunt, & ceciderunt. Si

Si consistent adversum me castra: non timebit cor meum.

Si exurgat adversum me praelium: in hoc ego sperabo.

Unam petii à Domino, hanc requiram: ut inhabitem in domo Domini omnibus diebus vitæ meæ.

Ut videam voluptatem Domini: & visitem templum ejus.

Quoniam abscondit me in tabernaculo suo: in die malorum protexit me in abscondito tabernaculi sui.

In petra exaltavit me: & nunc exaltavit caput meum super inimicos meos.

Circuivi, & immolavi in tabernaculo ejus hostiam vociferationis: cantabo, & psalmum dicam Domino.

Exaudi Domine vocem meam, quâ clamavi ad te: miserere mei, & exaudi me.

Tibi dixi cor meum, exquisivit te facies mea: faciem tuam Domine requiram.

Non avertas faciem tuam à me: ne declines in ira à servo tuo.

Ad-

Adjutor meus esto : ne derelinquas me, neque despicias me DEus salutaris meus.

Quoniam pater meus & mater mea dereliquerunt me : Dominus autem assumpsit me.

Legem pone mihi Domine in via tua : & dirige me in semitam rectam, propter inimicos meos,

Ne tradideris me in animas tribulationum me : quoniam insurrexerunt in me testes iniqui, & mentita est iniquitas sibi.

Credo videre bona Domini : in terra viventium.

Expecta Dominum, viriliter age : & confortetur cur tuum, & sustine Dominum.

Requiem æternam.

Antiphon.

Credo videre bona Domini in terra viventium.

ψ. Collocet eos Dominus cum principibus.

℟. Cum

R. Cum principibus populi sui
Pater noster. *Totum Secretò.*

Lectio Quarta. Job. 13.

Responde mihi : quantas habeo iniquitates & peccata, scelera mea, & delicta ostende mihi. Cur faciem tuam abscondis, & arbitraris me inimicum tuum ? Contra folium, quod vento rapitur, ostendis potentiam tuam, & stipulam siccam persequeris. Scribis enim contra me amaritudines, & consumere me vis peccatis adolescentiæ meæ. Posuisti in nervo pedum meum, & observasti omnes semitas meas, & vestigia pedum meorum considerasti. Qui quasi putredo consumendus sum, & quasi vestimentum, quod comeditur à tineâ.

R. Memento mei DEUS, quia ventus est vita meâ ; Nec aspiciat me visus hominis.

ψ. De profundis clamavi ad te Domine : Domine exaudi vocem meam.

R. Nec aspiciat me visus hominis.

Lectio

Lectio Quinta. Job. 14.

Homo natus de muliere, brevi vivens tempore, repletur multis miseriis. Qui quasi flos egreditur & conteritur, & fugit velut umbra, & nunquam in eodem statu permanet. Et dignum ducis super hujusmodi aperire oculos tuos, & adducere eum tecum in iudicium? Quis potest facere mundum de immundo conceptum semine? nonne tu qui solus es? Breves dies hominis sunt, numerus mensium ejus apud te est: constituisti terminos ejus, qui præteriri non poterunt. Recede paululum ab eo, ut quiescat, donec optata veniat, sicut mercenarii dies ejus.

R. Heu mihi Domine, quia peccavi nimis in vita mea: quid faciam miser? ubi fugiam, nisi ad Te, DEus meus? Misere mei, dum veneris in novissimo die.

ψ. Anima mea turbata est valde, sed tu Domine succurre ei.

R. Misere mei, dum veneris in novissimo die.

LECTIO Sexta. Job. 14.

QUis mihi hoc tribuat, ut in inferno protegas me, & abscondas me, donec pertranseat furor tuus, & constituas mihi tempus, in quo recorderis mei? Putasne mortuus homo rursus vivat? Cunctis diebus, quibus nunc milito, expecto, donec veniat immutatio mea. Vocabis me, & ego respondebo tibi: operi manuum tuarum porriges dexteram. Tu quidem gressus meos dinumerasti: sed parce peccatis meis.

R. Ne recorderis peccata mea Domine: Dum veneris judicare sæculum per ignem.

ψ. Dirige Domine DEUS meus, in conspectu tuo viam meam.

R. Dum veneris judicare sæculum per ignem.

ψ. Requiem æternam dona eis Domine, & lux perpetua luceat eis.

R. Dum veneris judicare sæculum per ignem.

IN III. NOCTURNO.

Antiphon.

Complaceat tibi Domine, ut eripias
me: Domine ad adjuvandum me re-
spice,

Psalms 39.

EXpectans expectavi Dominum: &
intendit mihi.

Et exaudivit preces meas: & eduxit
me de lacu miseriæ, & de luto fæcis.

Et statuit super petram pedes meos: &
direxit gressus meos.

Et immisit in os meum canticum no-
vum: carmen DEO nostro.

Videbunt multi & timebunt: & spe-
rabunt in Domino.

Beatus Vir, cujus est nomen Domini
spes ejus: & non respexit in vanitates, &
infanias falsas.

Multa fecisti tn Domine DEus meus
mirabilia tua: & cogitationibus tuis non
est, qui similis sit tibi.

Annuntiavi, & locutus sum: multi-
plicati sunt super numerum.

Sacri-

Sacrificium & oblationem noluisti :
aures autem perfecisti mihi.

Holocaustum & pro peccato non postulasti : tunc dixi, Ecce venio.

In capite libri scriptum est de me, ut facerem voluntatem tuam : DEus meus volui, & legem tuam in medio cordis mei.

Annuntiavi iustitiam tuam in Ecclesia magna : ecce labia mea non prohibebo, Domine tu scisti.

Iustitiam tuam non abscondi in corde meo : veritatem tuam, & salutare tuum dixi.

Non abscondi misericordiam tuam, & veritatem tuam : à concilio multo.

Tu autem Domine ne longè facias miserationes tuas à me : misericordia tua & veritas tua semper susceperunt me.

Quoniam circumdederunt me mala, quorum non est numerus : comprehenderunt me iniquitates meæ, & non potui, ut viderem.

Multiplicati sunt super capillos capitis mei : & cor meum dereliquit me.

Com.

Complaceat tibi Domine , ut eruas
me : Domine ad adjuvandum me re-
spice.

Confundantur , & reveantur simul :
qui quærunt animam meam ; ut auferant
eam.

Convertantur retrorsum , & reve-
antur : qui volunt mihi mala.

Ferant confestim confusionem suam :
qui dicunt mihi , Euge , euge.

Exultent & lætentur super te omnes
quærentes te : & dicant semper Magni-
ficetur Dominus , qui diligunt salutare
tuum.

Ego autem mendicus sum , & pauper :
Dominus sollicitus est mei.

Adjutor meus & protector meus tu es :
Deus meus ne tardaveris.

Requiem æternam dona eis Domine :
& lux perpetua luceat eis.

Antiphon.

Complaceat tibi Domine , ut eripi-
as me : Domine ad adjuvandum me re-
spice.

B.

An-

Antiphon.

Sana Domine animam meam , quia peccavi tibi.

Psalm. 40.

BEatus qui intelligit super egenum & pauperem : in die mala liberabit eum Dominus.

Dominus conservet eum , & vivificet eum , & beatum faciat eum in terra : & non tradat eum in animam inimicorum ejus.

Dominus opem ferat illi super lectum doloris ejus : universum stratum ejus versasti in infirmitate ejus.

Ego dixi , miserere mei : sana animam meam , quia peccavi tibi.

Inimici mei dixerunt mala mihi : Quando morietur , & peribit nomen ejus.

Et si ingrediebatur , ut videret , vana loquebatur : cor ejus congregavit iniquitatem sibi.

Egrediebatur foras : & loquebatur in idipsum.

Ad-

Adversum me susurrabant omnes inimici mei: adversum me cogitabant mala mihi.

Verbum iniquum constituerunt adversum me: Nunquid qui dormit, non adiciet, ut resurgat.

Etenim homo pacis meae, in quo speravi: qui edebat panes meos, magnificavit super me supplantationem.

Tu autem Domine, miserere mei, & resuscita me; & retribuam eis.

In hoc cognovi, quoniam voluisti me: quoniam non gaudebit inimicus meus super me.

Me autem propter innocentiam suscepisti: & confirmasti me in conspectu tuo in æternum.

Benedictus Dominus DEUS Israel à sæculo, & usque in sæculum: fiat, fiat.

Requiem æternam.

Antiphon. Sana Domine animam meam, quia peccavi tibi.

Antiphon. Sitivit anima mea ad De-

um vivum : quando veniam , & apparebo ante faciem Domini.

Psalmus 41.

Quemadmodum desiderat cervus ad fontes aquarum : ita desiderat anima mea ad te DEUS.

Sitivit anima mea ad DEum fontem vivum : quando veniam , & apparebo ante faciem DEI ?

Fuerunt mihi lacrymæ meæ panes die ac nocte : dum dicitur mihi quotidie, ubi est Deus tuus ?

Hæc recordatus sum , & effudi in me animam meam : quoniam transibo in locum tabernaculi admirabilis , usque ad domum DEI.

In voce exultationis , & confessionis : sonus epulantis.

Quare tristis es anima mea : & quare conturbas me ?

Spera in DEO , quoniam adhuc confitebor illi : salutare vultus mei , & Deus meus.

Ad meipsum anima mea conturbata
bata

bata est : propterea memor ero tui de terra Jordanis, & Hermoniim, à monte modico.

Abyssus abyssum invocat : in voce cataractarum tuarum.

Omnia excelsa tua, & fluctus tui : super me transierunt.

In die mandavit Dominus misericordiam suam : & nocte canticum ejus.

Apud me oratio Deo vitæ meæ : dicam Deo, Susceptor meus es.

Quare oblitus es mei? & quare contristatus incedo : dum affligit me inimicus?

Dum confringuntur ossa mea : exprobraverunt mihi, qui tribulant me, inimici mei.

Dum dicunt mihi per singulos dies, ubi est DEUS tuus? quare tristis es anima mea, & quare conturbas me?

Spera in DEO, quoniam adhuc confitebor illi : salutare vultûs mei, & Deus meus.

B 3

Re 3

Requiem æternam.

Antiphon.

Sitivit anima mea ad DEum vivum :
quando veniam , & apparebo ante fa-
ciem Domini?

ψ. Ne tradas bestiis animas confiten-
tes tibi.

℞. Et animas pauperum tuorum ne
obliviscaris in finem.

Pater noster. Totum secreto.

Lectio septima. Job. 17.

Spiritus meus attenuabitur , dies mei
breviabuntur , & solum mihi su-
perest sepulchrum. Non peccavi ;
& in amaritudinibus moratur oculus
meus. Libera me Domine , & pone
me juxta te ; & cujusvis manus pugnet
contra me. Dies mei transierunt , co-
gitationes meæ dissipatæ sunt , tor-
quentes cor meum. Noctem verte-
runt in diem , & rursum post tenebras
spero lucem. Si sustinuero , infernus
domus mea est , & in tenebris stravi le-
ctulum meum. Putredini dixi, Pater
meus

meus est: mater mea, & soror mea, ver-
mibus. Ubi est ergo nunc præstola-
tio mea, & patientiam meam quis con-
siderat?

R. Peccantem me quotidie, & non
me poenitentem, timor mortis con-
turbat me: Quia in inferno nulla est
redemptio, miserere mei DEus, & sal-
va me.

ψ. DEus in nomine tuo salvum me
fac, & in virtute tua libera me.

R. Quia in inferno nulla est redem-
ptio, miserere mei DEus, & salva me.

Lectio Octava. Job. 19.

Pelli meæ, consumptis carnibus, ad-
hæsit os meum, & derelicta sunt
tantummodò labia circa dentes meos.
Miseremini mei, miseremini mei, sal-
tem vos amici mei: quia manus Do-
mini tetigit me. Quare persequimini
me sicut DEus, & carnibus meis satu-
ramini? Quis mihi tribuat, ut scriban-
tur sermones mei? Quis mihi det, ut
exarentur in libro stylo ferreo, &

plumbi lamina, vel celte sculpantur in
 filice? Sciō enim, quod Redemptor
 meus vivit, & in novissimō die de ter-
 rā surrecturus sum: & rursus cir-
 cumdabor pelle mea, & in carne mea
 videbo DEum meum. Quem visu-
 rus sum ego ipse, & oculi mei conspe-
 cturi sunt, & non alius: reposita est
 hæc spes mea in sinu meo.

R. Domine, secundū actum meum
 noli me judicare: nihil dignum in
 conspectu tuo egi: Ideō deprecor ma-
 jestatem tuam: Ut tu Deus deleas ini-
 quitatem meam.

ψ. Amplius lava me Domine ab in-
 justitia mea, & à delicto meo munda
 me.

R. Ut Tu DEUS deleas iniquitatem
 meam.

Lectio Nona. Job. 10.

QUare de vulva eduxisti me? qui
 utinam consumptus essem, ne
 oculus me videret. Fuissē quasi non
 essem de utero translatus ad tumulum.
 Nun-

Nunquid non paucitas dierum meorum finietur brevi? Dimitte me ergo, ut plagam paululum dolorem meum: antequam vadam, & non revertar ad terram tenebrosam, & opertam mortis caligine: terram miseriæ & tenebrarum, ubi umbra mortis, & nullus ordo, sed sempiternus horror inhabitat.

R. Libera me Domine de morte æterna, in die illa tremenda: Quando cœli movendi sunt & terra: Dum veneris judicare sæculum per ignem.

ψ. Tremens factus sum ego, & timeo, dum discussio venerit, atque ventura ira.

R. Quando cœli movendi sunt & terra. Dum veneris judicare sæculum per ignem.

ψ. Dies illa, dies iræ, calamitatis & miseriæ, dies magna & amara valde.

R. Dum veneris judicare sæculum per ignem.

ψ. Requiem æternam dona eis Domine, & lux perpetua luceat eis.

℟. Libera me Domine de morte æterna, in die illa tremenda: Quando cœli movendi sunt & terra: Dum veneris judicare sæculum per ignem.

AD LAUDES.

Antiphon.

Exultabunt Domino ossa humilitata.

Psalms 50.

Miserere mei DEUS: secundum magnam misericordiam tuam.

Et secundum multitudinem miserationum tuarum: dele iniquitatem meam.

Amplius lava me ab iniquitate mea: & à peccato meo munda me.

Quoniam iniquitatem meam ego cognosco: & peccatum meum contra me est semper.

Tibi soli peccavi, & malum coram te feci: ut justificeris in sermonibus tuis, & vincas, cum judicâris.

Ecce enim in iniquitatibus conceptus

ptus sum: & in peccatis concepit me mater mea.

Ecce enim veritatem dilexisti: incerta & occulta sapientiæ tuæ manifestasti mihi.

Asperges me hyssopo, & mundabor: lavabis me, & super nivem dealdabor.

Auditui meo dabis gaudium & lætitiā: & exultabunt ossa humiliata.

Averte faciem tuam à peccatis meis: & omnes iniquitates meas dele.

Cor mundum crea in me Deus: & spiritum rectum innova in visceribus meis.

Ne projicias me à facie tua: & spiritum sanctum tuum ne auferas à me.

Redde mihi lætitiā salutaris tui: & spiritu principali confirma me.

Docebo iniquos vias tuas: & impii ad te convententur.

Libera me de sanguinibus DEUS, DEUS salutis meæ: & exultabit lingua mea iustitiā tuam.

Domi-

Domine labia mea aperies : & os meum annuntiabit laudem tuam.

Quoniam si voluisses Sacrificium , dedissem utique : holocaustis non delectaberis.

Sacrificium DEO spiritus contribu-
latus : cor contritum & humiliatum
DEus non despicias.

Benignè fac Domine in bona voluntate tua Sion : ut ædificentur muri Jerusalem.

Tunc acceptabis Sacrificium justitiæ, oblationes, & holocausta : tunc imponent super altare tuum vitulos.

Requiem æternam.

Antiph. Exultabunt Domino ossa humiliata.

Antiph. Exaudi Domine orationem meam, ad te omnis caro veniet.

Psalmus 64.

TE decet Hymnus DEus in Sion : & tibi reddetur votum in Jerusalem.

Exaudi orationem meam : ad te omnis caro veniet.

Ver-

Verba iniquorum prævaluerunt super nos: & impietatibus nostris tu propitiaberis.

Beatus quem elegisti, & assumpsisti: inhabitabit in atriis tuis.

Replebimur in bonis domûs tuæ: sanctum est templum tuum, mirabile in æquitate.

Exaudi nos Deus salutaris noster: spes omnium finium terræ & in mari longè.

Præparans montes in virtute tua, accinctus potentia: qui conturbas profundum maris, sonum fluctuum ejus.

Turbabuntur gentes, & timebunt, qui habitant terminos à signis tuis: exitûs matutini & vespere delectabis.

Visitâsti terram, & inebriâsti eam: multiplicâsti locupletare eam.

Flumen DEI repletum est aquis, parâsti cibum illorum: quoniam ita est præparatio ejus.

Rivos ejus inebria, multiplica gē-
nimi-

nimia ejus : in stillicidiis ejus lætabitur
germinans.

Benedices coronæ anni benignitatis
tuæ : & campi tui replebuntur uber-
tate.

Pinguetescant speciosa deserti : & ex-
ultatione colles accingentur.

Induti sunt arietes ovium, & valles
abundabunt frumento : clamabunt, et-
enim hymnum dicent.

Requiem æternam.

Antiph. Exaudi Domine orationem
meam, ad te omnis caro veniet.

Antiph. Me suscepit dextera Tua
Domine.

Psalms 62.

DEus DEus meus : ad te de luce vi-
gilo.

Sitavit in te anima mea : quàm mul-
tipliciter tibi caro mea.

In terra deserta, & in via, & ina-
quosa : sic in sancto apparui tibi, ut
viderem virtutem tuam, & gloriam
tuam.

Quo-

Quoniam melior est misericordia tua
super vitas: labia mea laudabunt te.

Sic benedicam te in vita mea: & in
nomine tuo levabo manus meas.

Sicut adipe & pinguedine repleatur
anima mea: & labiis exultationis lauda-
bit os meum.

Si memor fui tui super stratum me-
um, in matutinis meditabor in te: quia
fuisti adjutor meus.

Et in velamento alarum tuarum ex-
ultabo, adhæsit anima mea post te: me
fulcepit dextera tua.

Ipsi verò in vanum quæsierunt ani-
mam meam, introibunt in inferiora
terræ: tradentur in manus gladii, par-
tes vulpium erunt.

Rex verò lætabitur in Deo, lauda-
buntur omnes, qui jurant in eo: quia
obstructum est os loquentum iniqua.

Psalmus 66.

DEus misereatur nostri, & benedicat
nobis: illuminet vultum suum su-
per nos, & misereatur nostri.

Ut

Ut cognoscamus in terra vitam tuam:
in omnibus gentibus salutare tuum,

Confiteantur tibi populi DEus: con-
fiteantur tibi populi omnes.

Lætentur, & exultent gentes: quo-
niam iudicas populos in æquitate, &
gentes in terra dirigis.

Confiteantur tibi populi Deus, con-
fiteantur tibi populi omnes: terra de-
dit fructum suum.

Benedicat nos DEus, DEus noster,
benedicat nos DEus: & metuant eum
omnes fines terræ.

Requiem æternam.

Antiphon.

Me suscepit dextera tua Domine.

Antiphon.

A porta inferi, erue Domine animam
meam.

Canticum Ezechie. Isai. 38.

EGO dixi, in dimidio dierum meorum:
vadam ad portas inferi.

Quæsiui residuum annorum meo-
rum:

rum : dixi , Non videbo Dominum
DEum in terra viventium.

Non aspiciam hominem ultrà : &
habitatores quietis.

Generatio mea ablata est , & con-
voluta est à me : quasi tabernaculum
pastorum.

Præcisa est velut à texente, vita mea ;
dum adhuc ordire, succidit me : de ma-
nè usque ad vesperam finies me.

Sperabam usque ad manè : quasi leo
sic contrivit omnia ossa mea.

De manè usque ad vesperam finies
me : sicut pullus hirundinis sic clama-
bo, meditabor ut columba.

Attenuati sunt oculi mei : suspicien-
tes in excelsum.

Domine vim patior , responde pro
me : quid dicam , aut quid respondebit
mihi, cum ipse fecerit ?

Recogitabo tibi omnes annos meos :
in amaritudine animæ meæ.

Domine si sic vivitur , & in talibus
vita spiritûs mei, corripies me & vivi-
fica-

ficabis me : ecce in pace amaritudo mea amarissima.

Tu autem eruisti animam meam ut non periret : projecisti post tergum tuum omnia peccata mea.

Quia non infernus confitebitur tibi, neque mors laudabit te : non expectabunt, qui descendunt in lacum, veritatem tuam.

Vivens vivens ipse confitebitur tibi, sicut & ego hodie : pater filius notam faciet veritatem tuam.

Domine salvum me fac : & psalmos nostros cantabimus cunctis diebus vitæ nostræ in domo Domini.

Requiem æternam dona eis Domine : Et lux perpetua luceat eis.

Antiphon.

A porta inferi, erue Domine animam meam.

Antiphon.

Omnis Spiritus laudet Dominum.

Psal-

Psalmus 148.

Laudate Dominum de cælis : laudate eum in excelsis.

Laudate eum omnes Angeli ejus : laudate eum omnes virtutes ejus.

Laudate eum Sol & Luna : laudate eum omnes stellæ & lumen.

Laudate eum cæli cælorum : & aquæ omnes, quæ super cælos sunt, laudent nomen Domini :

Quia ipse dixit, & facta sunt, ipse mandavit, & creata sunt.

Statuit ea in æternum, & in seculum sæculi : præceptum posuit & non præteribit.

Laudate Dominum de terra dracones, & omnes abyssi.

Ignis, grando, nix, glacies, spiritus procellarum : quæ faciunt verbum ejus.

Montes, & omnes colles : ligna fructifera, & omnes cedri.

Bestiæ, & universa pecora : serpentes, & volucres pennatæ.

Reges

Reges terræ, & omnes populi: Principes; & omnes Judices terræ.

Juvenes & Virgines, Senes cum Junioribus laudent nomen Domini: quia exaltatum est nomen ejus solius.

Confessio ejus super cælum & terram: & exaltavit cornu populi sui.

Hymnus omnibus sanctis ejus: filiis Israël, populo appropinquanti sibi.

Psalms 149.

CAntate Domino Canticum novum, laus ejus in Ecclesia Sanctorum.

Lætetur Israël in eo, qui fecit eum: & filii Sion exultent in Rege suo.

Laudent nomen ejus in choro: in tympano & psalterio psallant ei.

Quia beneplacitum est Domino in populo suo: & exaltabit mansuetos in salutem.

Exultabunt Sancti in gloria: lætabuntur in cubilibus suis.

Exaltationes DEI in gutture eorum: & gladii ancipites in manibus eorum.

Ad

Ad faciendam vindictam in nationibus : increpationes in populis.

Ad alligandos Reges eorum in compedibus : & nobiles eorum in manicis ferreis.

Ut faciant in eis iudicium conscriptum gloria hæc est omnibus sanctis ejus.

Psalmus 150.

Laudate Dominum in Sanctis ejus : laudate eum in Firmamento Virtutis ejus.

Laudate eum in virtutibus ejus : laudate eum secundum multitudinem magnitudinis ejus.

Laudate eum in sono tubæ : laudate eum in Psalterio & cithara.

Laudate eum in Tympano & choro : laudate eum in Chordis & Organo.

Laudate eum in Cymbalis benesonantibus , laudate eum in Cymbalis Jubilationis : Omnis Spiritus laudet Dominum.

Requiem æternam.

Anti-

Antiphon.

Omnis Spiritus laudet Domi-
num.

ŷ. Audivi vocem de cælo dicentem
mihi.

R. Beati mortui, qui in Domino mo-
riuntur.

Antiphona.

Ego sum Resurrectio, & Vita: qui
credit in me, etiamsi mortuus fuerit, vi-
vet: & omnis, qui vivit, & credit in me,
non morietur in æternum.

Canticum Zacharie. Luc. I.

Benedictus Dominus Deus Israel, quia
visitavit, & fecit Redemptionem
plebis suæ.

Et erexit Cornu Salutis nobis: in do-
mo David pueri sui.

Sicut locutus est per os Sanctorum:
qui à sæculo sunt, Prophetarum ejus.

Salutem ex inimicis nostris: & de ma-
nu omnium; qui oderunt nos.

Ad faciendam misericordiam cum Pa-
tribus nostris: & memorari Testamen-
ti sui sancti.

Jus.

Jusjurandum quod juravit ad Abraham Patrem nostrum : daturum se nobis.

Ut sine timore de manu inimicorum nostrorum liberati : serviamus illi.

In Sanctitate & Justitia coram ipso : omnibus diebus nostris.

Et tu Puer , Propheta Altissimi vocaberis : præibis enim ante faciem Domini , parare vias ejus.

Ad dandam scientiam salutis plebi ejus : in remissionem peccatorum eorum.

Per viscera misericordiæ DEI nostri : in quibus visitabit nos oriens ex alto.

Illuminare his , qui in tenebris , & in umbra mortis sedent : ad dirigendos pedes nostros in vitam pacis.

Requiem æternam dona Deus omine : & lux perpetua luceat eis.

Antiphon.

Ego sum Resurrectio , & Vita : qui cre-

crèdit in me, etiamsi mortuus fuerit: vivet: & omnis, qui vivit, & credit in me, non morietur in æternum.

Pater noster. Secretò.

Vers. Et ne nos inducas in tentationem.

Resp. Sed libera nos à malo.

Psalmus. 129.

DE profundis clamavi ad te Domine: Domine exaudi vocem meam.

Fiant aures tuæ intendentes: in vocem deprecationis meæ.

Si iniquitates observaveris Domine: Domine quis sustinebit?

Quia apud Te propitiatio est: & propter legem tuam sustinui te Domine.

Sustinuit anima mea in verbo ejus: speravit anima mea in Domino.

A custodia matutina usque ad noctem: speret Israel in Domino.

Quia apud Dominum misericordia: & copiosa apud eum Redemptio.

Et

Et ipse redimet Israël: ex omnibus iniquitatibus ejus.

Requiem æternam.

Vers. A porta inferi.

Resp. Erue Domine animas eorum.

Vers. Requiescant in pace.

Resp. Amen.

Vers. Domine exaudi orationem meam.

Resp. Et clamor meus ad te veniat.

Vers. Dominus vobiscum.

Resp. Et cum Spiritu tuo.

OREMUS.

PRO EPISCOPO.

Oratio.

DEus, qui inter Apostolicos Sacerdotes famulum tuum N. Pontificali fecisti dignitate vigere: Præsta quæsumus, ut eorum quoque perpetuo aggregetur consortio. Per Dominum nostrum Iesum Christum, &c.
R. Amen.

PRO SACERDOTE.

Oratio.

DEus, qui inter Apostolicos Sacerdotes famulum tuum N. Sacerdotali fecisti dignitate vigere: præsta quæsumus, ut eorum perpetuo aggregetur consortio. Per Dominum nostrum &c.

R. Amen.

PRO UNO DEFUNCTO.

Oratio.

Absolve quæsumus Domine, animam famuli tui N. ut defunctus sæculo tibi vivat: & quæ per fragilitatem carnis humanâ convectione commisit, tu venia misericordissimæ pietatis absterge. Per Dominum nostrum JESUM Christum &c. R. Amen.

DEus, veniæ largitor, & humanæ salutis amator, quæsumus Clementiam tuam: ut nostræ Congregationis Fratres, propinquos, & benefactores, qui ex hoc sæculo transierunt, Beata Maria semper Virgine intercedente, cum omnibus Sanctis tuis, ad
per-

perpetuæ Beatitudinis consortium pervenire concedas. Per Dominum nostrum IESUM Christum &c.

R. Amen.

Fidelium DEUS omnium Conditor & Redemptor, animabus famulorum famularumque tuarum remissionem cunctorum tribue peccatorum, ut indulgentiam, quam semper optaverunt, piis supplicationibus consequantur. Per Christum Dominum nostrum, Amen.

Vers. Requiem æternam dona eis Domine.

Resp. Et lux perpetua luceat eis.

Vers. Requiescant in pace.

Resp. Amen.

AD VESPERAS.

Antiphona.

Placebo Domino in regione vivorum,

Psalms 114.

Dilexi, quoniam exaudiet Dominus :
vocem orationis meæ.

C 2

Quia

Quia inclinavit aurem suam mihi: &
in diebus meis invocabo.

Circumdederunt me dolores mor-
tis: & pericula inferni invenerunt
me.

Tribulationem & dolorem inveni: &
nomen Domini invocavi.

O Domine libera animam meam:
misericors Dominus, & justus, & De-
us noster miseretur.

Custodiens parvulos Dominus: hu-
miliatus sum, & liberavit me.

Convertere anima mea in requiem tu-
am: quia Dominus benefecit tibi.

Quia eripuit animam meam de morte:
oculos meos à lacrymis, pedes meos
à lapsu.

Placebo Domino: in regione vi-
vorum.

Requiem æternam dona eis Domine:
& lux perpetua luceat eis.

Antiphon.

Placebo Domino in regione vivo-
rum.

Ans.

Antiphon.

Heu mihi Domine ; quia incolatus meus prolongatus est.

Psalms 119.

AD Dominum cum tribularer , clamavi : & exaudivit me.

Domine libera animam meam à labiis iniquis : & à lingua dolosa.

Quid detur tibi , aut quid apponatur tibi : ad linguam dolosam ?

Sagittæ potentis acutæ : cum carbonibus desolatoriis,

Heu mihi , quia incolatus meus prolongatus est : habitavi cum habitantibus Cedar : multum incola fuit anima mea.

Cum his , qui oderunt pacem , eram pacificus : cum loquebar illis , impugnabant me gratis.

Requiem æternam. *ut supra.*

Antiphon.

Heu mihi Domine , quia incolatus meus prolongatus est.

Antiphon.

Dominus custodit te ab omni malo :
custodiat animam tuam Dominus.

Psalms 120.

Levavi oculos meos in montes : unde
veniet auxilium mihi.

Auxilium meum à Domino : qui fe-
cit cælum & terram.

Non det in commotionem pedem tu-
um : neque dormitet , qui custodit te.

Ecce non dormitabit, neque dormiet :
qui custodit Israël.

Dominus custodit te , Dominus pro-
tectio tua : super manum dexteram tu-
am.

Per diem sol non uret te : neque lu-
na per noctem.

Dominus custodit te ab omni malo :
custodiat animam tuam Dominus.

Dominus custodiat introitum tuum ,
& exitum tuum : ex hoc nunc & usque
in sæculum.

Requiem æternam dona eis Domine :
& lux perpetua luceat eis.

An-

Antiphon.

Dominus custodit te ab omni malo :
custodiat animam tuam Dominus.

Antiphon.

Si iniquitates observaveris Domine,
Domine quis sustinebit?

Psalms 129.

DE profundis clamavi ad Te Do-
mine : Domine exaudi vocem
meam.

Fiant aures tuæ intendentes : in vo-
cem deprecationis meæ.

Si iniquitates observaveris Domine :
Domine quis sustinebit?

Quia apud Te propitiatio est : &
propter legem tuam sustinui Te Do-
mine.

Sustinuit anima mea in verbo ejus :
speravit anima mea in Domino.

A custodia matutina usque ad no-
ctem : speret Israël in Domino.

Quia apud Dominum misericordia :
& copiosa apud eum redemptio.

Et ipse redimet Israël : ex omnibus iniquitatibus ejus.

Requiem æternam.

Antiphona.

Si iniquitates observaveris Domine,
Domine quis sustinebit ?

Antiphona.

Opera manuum tuarum Domine non despicias.

Psalms 137.

Confitebor Tibi Domine in toto corde meo : quoniam audisti verba oris mei.

In conspectu Angelorum psallam tibi : adorabo ad templum sanctum tuum : & confitebor nomini tuo.

Super misericordia tua , & veritate tua : quoniam magnificasti super omne nomen sanctum tuum.

In quacumque die invocavero te , exaudi me : multiplicabis in anima mea virtutem.

Confiteantur tibi Domine omnes Reges terræ : quia audierunt omnia verba oris tui.

Et

Et cantent in viis Domini: quoniam magna est gloria Domini.

Quoniam excelsus Dominus, & humilia respicit: & alta à longè cognoscit.

Si ambulavero in medio tribulationis, vivificabis me: & super iram inimicorum meorum extendisti manum tuam, & salvum me fecit dextera tua.

Dominus retribuet pro me: Domine misericordia tua in sæculum opera manuum tuarum ne despicias.

Requiem æternam.

Antiphon.

Opera manum tuarum Domine ne despicias.

ψ. Audivi vocem de cœlo, dicentem mihi.

℟. Beati mortui, qui in Domino moriuntur.

Antiphon.

Omne quod dat mihi Pater, ad me veniet, & eum, qui venit ad me, non ejiciam foras.

Canticum B. Mariæ Virginis ,

Luc. I.

Magnificat anima mea Dominum :
Et exultavit spiritus meus : in
Deo salutari meo.

Quia respexit humilitatem ancillæ
suæ : ecce enim ex hoc beatam me di-
cent omnes generationes.

Quia fecit mihi magna, qui potens est :
& sanctum nomen ejus.

Et misericordia ejus à progenie in pro-
genies : timentibus eum.

Fecit potentiam in brachio suo : di-
persit superbos mente cordis sui.

Deposuit potentes de sede : & exal-
tavit humiles.

Esurientes implevit bonis : & divites
dimisit inanes.

Suscepit Israël puerum suum : recor-
datus misericordiæ suæ.

Sicut locutus est ad Patres nostros :
Abraham , & semini ejus in sæcula.

Requiem æternam.

Anti-

Antiphon.

Omne quod dat mihi Pater, ad me veniet, & eum qui venit ad me non ejiciam foras.

Pater noster. *Secretò.*

ψ. Et ne nos inducas in tentationem.

℞. Sed libera nos à malo.

Psalmus 145.

LAuda anima mea Dominum, laudabo Dominum in vita mea: psallam Deo meo, quamdiu fuero.

Nolite confidere in principibus: in filiis hominum, in quibus non est salus,

Exibit spiritus ejus & revertetur in terram suam: in illa die peribunt omnes cogitationes eorum.

Beatus cujus DEUS Jacob adjutor ejus, spes ejus in Domino Deo ipsius: qui fecit coelum & terram, mare, & omnia, quæ in eis sunt.

Qui custodit veritatem in sæculum, facit judicium iniuriam patientibus: dat escam esurientibus.

Do-

Dominus solvit compeditos: Dominus illuminat cæcos.

Dominus erigit elisos: Dominus diligit justos.

Dominus custodit advenas, pupillum & viduam suscipiet: & vias peccatorum disperdet.

Regnabit Dominus in sæcula, DEus tuus Sion: in generatione & generationem.

Requiem æternam.

ψ. A porta inferi.

℞. Erue Domine animas eorum,

ψ. Requiescant in pace.

℞. Amen.

ψ. Domine exaudi orationem meam.

℞. Et clamor meus ad te veniat.

ψ. Dominus vobiscum.

℞. Et cum spiritu tuo.

OREMUS.

PRO EPISCOPO.

ORATIO.

DEUS, qui inter Apostolicos Sacerdotes famulum tuum N. Pontificali

cali fecisti dignitate vigere: præsta quæsumus, ut eorum quoque perpetuo aggregetur consortio. Per Dominum nostrum JESUM Christum, &c.

R. Amen.

PRO SACERDOTE.

ORATIO.

DEUS, qui inter Apostolicos Sacerdotes famulum tuum N. Sacerdotali fecisti dignitate vigere: præsta quæsumus, ut eorum perpetuo aggregetur consortio. Per Dominum &c.

R. Amen.

PRO UNO DEFUNCTO.

ORATIO.

Absolve quæsumus Domine, animam famuli tui N. ut defunctus sæculo tibi vivat: & quæ per fragilitatem carnis humanâ conversatione commisit, tu veniâ misericordissimæ pietatis absterge. Per Dominum nostrum &c.

R. Amen.

DEUS, veniæ largitor, & humanæ salutis amator, quæsumus Clem-

men-

mentiam tuam: ut nostræ Congregationis fratres propinquos, & benefactores, qui ex hoc sæculo transierunt, Beata Maria semper Virgine intercedente cum omnibus Sanctis tuis, ad perpetuæ beatitudinis consortium pervenire concedas. Per Dominum nostrum IESUM Christum &c.

R. Amen.

Fidelium DEUS omnium Conditor & Redemptor, animabus famulorum famularumque tuarum Remissionem cunctorum tribue peccatorum, ut indulgentiam, quam semper optaverunt, piis supplicationibus consequantur. Per Christum Dominum nostrum. Amen.

ψ. Requiem æternam dona eis Domine.

R. Et lux perpetua luceat ei.

ψ. Requiescat in pace.

R. Amen.

PRE.

PRECES ET RESPONSO-
RIA, QUÆ IN VISITATIONE SE-
PULCHRI SEU FERETRI
DICUNTUR.
ORATIO.

OMnipotentis DEI misericordiam
deprecemur, fratres charissimi,
cujus iudicio & nascimur & finimur, ut
spiritum chari nostri N. quem Domi-
ni pietas de incolatu hujus mundi trans-
ire præcepit, requies æterna suscipiat, &
eum in beata resurrectione præsentet,
& in sinu Abrahamæ, Isaac, & Jacob col-
locare dignetur. Per Christum Domi-
num nostrum, Amen.

Responsorium.

Subvenite Sancti DEI, occurrere
Angeli Domini, suscipientes animam
ejus, offerentes eam in conspectu Al-
tissimi, *ψ*. Suscipiat te Christus, qui
vocavit te, & in sinum Abrahamæ Ange-
li deducant te. Offerentes eam in con-
spectu Altissimi.

Kyrie

Kyrie eleison. Christe eleison.

Kyrie eleison.

Pater noster : Et ne nos inducas in tentationem, sed libera nos à malo.

ψ. A porta inferi.

℞. Erue Domine animas eorum.

Oremus.

DEum judicem Universitatis, DEum Cœlestium, terrestrium, & infernorum deprecamur pro spiritu chari nostri N. ut eum Domini pietas in requie collocare dignetur, & in parte primæ Resurrectionis resuscitet. Qui vivit & regnat Deus, per omnia sæcula sæculorum. Amen.

Responsoriura.

Antequam nascerer novisti me, & ad imaginem tuam Domine plasmasti me, modò reddo Tibi Creatori animam meam. ψ. Commissa mea Domine paveſco, & ante te erubelco, dum veneris judicare, noli me condemnare, modò reddo Tibi Creatori animam meam.

Kyrie

Kyrie eleison. Christe eleison.

Kyrie eleison.

Pater noster. Et ne nos : sed libera :

Requiem æternam dona eis Domine,
& lux perpetua luceat eis.

Oremus.

DEus Univerſorum Conditor & Crea-
tor, qui cum ſis Sanctorum tuo-
rum beatitudo, præſta nobis petentibus,
ut ſpiritum chari noſtri N. à corporis ne-
xibus abſolutum in Sanctorum tuorum
reſurrectione beata facias præſentari.
Per Dominum &c.

Reſponſorium.

Libera me Domine de morte æterna
in die illa tremenda, quando cæli mo-
vendi ſunt & terra. *ψ.* Dies illa, dies
iræ, dies calamitatis & miſeriæ, dies
magna & amara valde. Quando cæli
movendi ſunt & terra.

Kyrie eleison. Christe eleison.

Kyrie eleison.

Pater noster. Et ne nos inducas.

ψ. Credo videre bona Domini.

R. In

R. In terra viventium.

Oremus.

FAc quæsumus Domine hanc cum famulo tuo misericordiam, ut factorum suorum in pœnis non recipiat vicem, qui tuam in votis tenuit voluntatem, & sicut eum hic vera fides junxit fidelium turmis, ita eum tua miseratio societ Angelicis Choris. Per Dominum nostrum &c.

Antiphona.

TEMPORE PESTIS

UTE N D A.

AEdia vita in morte sumus, quem quærimus adiutorem, nisi te Domine, qui pro peccatis nostris justè irasceris: Sancte DEus, sancte fortis, sancte & misericors Salvator, amaræ mortis ne tradas nos.

ψ. Domine, non secundum peccata nostra facias nobis.

R. Neque secundum iniquitates nostras retribuas nobis.

Ore-


Oremus.

OMnipotens sempiterne DEUS, cuius misericordiæ non est numerus, concede propitius, ut per Incarnationem Filii tui Domini nostri Iesu Christi, & integritatem Virginitatis gloriosæ Virginis MARIÆ Genitricis suæ, & per merita, & Intercessionem Ipsius, laqueos Epidimiæ, seu mortalitatis & Pestilentiaë urgentes, misericorditer evadere valeamus, ac vitam æternam assequi mereamur.

DEus, qui non mortem sed poenitentiam ac vitam desideras peccatorum, populum tuum ad Te revertentem propitius respice, ut dum Tibi devotus existit Iracundiæ Tuæ flagella ab eo clementer amoveas. Per Christum &c.







Officium defunctorum

Augusta Vindelicorum 1738

Liturg. 951

urn:nbn:de:bvb:12-bsb10591216-8

VD18 14572621-001